

Povodom obilježavanja **DANA LJUDSKIH PRAVA** TPO Fondacija Sarajevo u okviru projekta „Inicijativa za kreativni dijalog i edukaciju“ raspisuje konkurs i poziva sve zainteresovane u dobi između 15 i 21 godine iz cijele Bosne i Hercegovine da se prijave na konkurs za najbolji nacrtani strip na temu:

PROBUDI, POKRENI, PROMIJENI!



Koristi vlastitu kreativnost, promišljaj o nasilju u našem društvu i izrazi se kroz umjetnost stripa!

Koliko često svjedočiš neljudskosti, nepravdi i nasilju u školi i izvan nje? Kako si se tada osjećao/la? Da li si reagovao/la i na koji način? Ili si možda prešutio/la cijeli događaj? Nažalost, svakodnevno svjedočimo različitim vrstama nasilja (fizičko i verbalno nasilje, nasilje nad djevojčicama, ženama, vršnjačko nasilje, nasilje u porodici, nasilje nad osobama s invaliditetom itd.) koje dodatno okupira naše živote putem audio-vizuelnih i online medija. Riječ je o društvenom problemu koji se tiče svih nas i zato odvoji malo svog vremena i razmisli - postoji li način da se efektivno suprotstavimo nasilju koje nas okružuje? Kako ispravno reagovati? Kako pomoći sebi i slabijem od nas? Kako probuditi vlastitu ljudskost,

pokrenuti se i promijeniti nešto u nama i oko nas? Ovo su samo neka od mogućih pitanja na koja zajednički tražimo odgovore, a TPO Fondacija Sarajevo te poziva da kroz imaginaciju i umjetnost stripa *nastripaš* sve sto želiš reći o nasilju u našem društvu.

- Konkurs je otvoren do **1. decembra 2016.**
- Konkurs je otvoren za sve autore i autorice uzrasta od 15 do 21 godine koji/e su državljane/ke Bosne i Hercegovine sa mjestom prebivališta u Bosni i Hercegovini.
- Svaki učesnik/učesnica konkursa može poslati po jedan rad dimenzija A3 u ne više od četiri stranice.
- Strip može biti urađen klasičnim ili digitalnim tehnologijama.
- U procesu izrade prijavljenog rada može učestvovati više autora/autorica (scenarista, crtač, kolorista i sl.).
- Radovi autora/ica koji prođu užu selekciju bit će izloženi na kolektivnoj izložbi najboljih strip radova.
- Tri najbolja rada bit će posebno nagrađena.

Molimo Vas da pravilno i u potpunosti ispunite [PRIJAVNI OBRAZAC](#) i pažljivo pročitate [PRAVILA KONKURSA](#).

Radove slati poštom na adresu: TPO Fondacija Sarajevo s naznakom za STRIP-konkurs „PROBUDI, POKRENI, PROMIJENI!“, Vilsonovo šetalište 10, 71 000 Sarajevo, BiH.

Digitalne kopije u rezoluciji ne manjoj od 300 dpi pošaljite na e-mail adresu: probudipokrenipromijeni@gmail.com.

Kontakt osoba za sve dodatne informacije:

Melika Šahinović, Tel: 033 663 350,

E-mail: koordinator2@tpofond.org